

# «Аттьё, мамук, мый тэ вайин тайё шуда вёльнёй светас»

*Мамыд – сийё мелі кывъяса, мамыд – сийё небыд сывъяса.  
Мамук миян мича нюмбана, сийё миянлы медся колана.*

Валентина Симпелева.

Европаса уна странын, США-ын, Канадын, Китайын, Япониян Мам лун пасйоны май төлүссе мёд вёскресенниёо, Белоруссиян – октябрь 14 лунё, Грузиян – март 3 лунё, Украинаын – мартлон мёд вёскресенниёо, Армениян – апрель 7 лунё, Германийн – май 13 лунё. США-ын да Австралиянын тайё лунё пасъкомас пысавлённы гвоздика дзоридз. Ловъя кё мамыс – уна рёмаёс, кувъсома кё нин – еджыдос.

Россиянын Мам лун кутім пасйоны неважён на. Россияса вёвлом Президент Б.Н. Ельцинён «О Дне матери» индёд серти став съёлём шоныдсё, некор бырлыгтому мусулунсё челядьыслы сетёмысь ноябрь төлүссе боръя вёскресенниёо нимёдам мамъяснымос. Таво сийё весъкалис ноябрь 30 лунё.

И важён тадзи вол', и оні быдёнлы мамыд – олёмас медыдьжыд морт. Мамлён радейтёмыс, тёждыс, меллунуыс чужомсянь шонт миянос, видзё да отсалё овны.

Виль праздникис – Мамлён лун – вочасён пырё Россиянын, тшотш и Коми Республикаса ольсыяслён, керкясё. Пасйоны сийёс садикъясын, школаясын, клуббясын. Челядь оз сомын бур кывъясон шыбдчыны мамъяс дорас, но и козыналёны ас киён вочомтортьяс, петкодлённы концертъяс.

Аттьё тянлы, дона мамъяс! И мед быдёнлы тшоқыдджаха шуаласны бур кывъяссо ныв-пияныд. Од мам – олёмас медводдза велёдьсис, туй индалыс.

Уна челядя мамён оні шуоны нывбабаос, коді чужтис да быдтö 3 либо унджык ныв-пиёс. Ыджыдвидз сиктса администрация улын татшомъясион лобны Татьяна Михайловна Игушева (3 ныв и 1 пи, виччысю витёдос), Мария Дмитриевна Мишарина (4 пиёс быдтö).

Ыджыдвидз и водэті нимавліс нывбаба-мамъясон, кодъяс чужтисны да быдтисны 10 да унджык ныв-пиёс. Макарсиктыс Александре Дмитриевна Симпелевалон нёль пи да сизим ныв, Лидия Васильевна Мишариналын күим пи да сизим ныв. Вылышыс Домна Сергеевна Макаровалон вит пи да вит ныв. Джиянись Мария Максимовна Поповалон (оні ныв ордас бокын олө) квайт пи да нёль ныв.

Таладор юғыдсыыс мунлісны нин Ыджыдвиддзыс Роза Васильевна



Панюкова (6 пи, 7 ныв), Мария Никитьевна Панюкова (6 пи, 4 ныв), Юлия Никитьевна Мишарина (4 пи, 6 ныв), Вылышыс Мария Никитьевна Мишарина (2 пи, 8 ныв), Зулобыш Александра Андреевна Ширяева (4 пи, 8 ныв), Ия Васильевна Ивашева (5 пи, 6 ныв), Джиянись Ирина Мефодьевна Попова (6 пи, 4 ныв), Мария Григорьевна Иванова (4 пи, 6 ныв).

Мыыта вын ковмис пуктыны, медым быдтыны, велёдны да и кок йыл ѿ сувтёдны сы мында ныв-питё. Көмбдны-пасьтёдны, вердны-удны найёс, узтём вой коллявны, быдтасыд кё висьмиліс. Да и быд мам горт гётбрын кынди зилис од и колхозын, совхозын, мукод удж вылын.

Мамлы сиом мича кывбуръяс гижлісны Ыджыдвиддзыс Александра Мишарина, Елена Габова, Наташа Ивашева, Валентина Симпелева да мукод.

Мам лун кузя Ыджыдвидзса библиотекалын да Зулобын Роза Геннадьевна Панюкова нубдіс ветеранъяск мамыс сиом «Поле чудес». Быдён бур кывъясон казтылыс алас мам йылыс. Вылышыс клубын Раиса Александровна Макарова чукортліс жо ветеранъяссо. Ыджыдвидз, Вылыш, Зулоб клуббясын, школаын, садикын воліны мамлы сиом гажа ригтъяс.

Ветеранъяслён советён юрнуодыс Юлия Михайловна Попова котыртліс ворсомъяс, олёма йоз тёдмалісны нөдкывъяс.

А Ыджыдвидзса администрациян весъкодлыш Николай Иванович Симпелев Мам лункод житёдын сегіс медуна челядя Татьяна Михайловна Игушевалы ошкана письмо да неыджыд козин.

И мед водзё оз сомын Мам лунё, но и быд лун нимёдісны, эз вунёдлыны, казтылісны, отсалісны, шуалісны бур кывъяс налы, кодъяс чужтисны миянос вёльнёй светас.

Помала гижёдос Зоя Васильевна Шипиковалон кывъясон:

*«Мамыд – сийё шонді,  
Лёсъ съёлёмнас шонт.  
Мамыд – юғыд кодзув,  
Түйтё индб водзё...»*

Анна ПОПОВА.

Ыджыдвидз сикт, Корткерөс р.

Снимокъясыс  
Юлия ПОПОВАЛОН.